

## Trosolwg

Mae'r safon hon yn ymwneud â gweithio gyda chyfieithwyr ar y pryd proffesiynol eraill (gan gynnwys cyfieithu ar y pryd yn anuniongyrchol). Mae hyn yn golygu cyflawni unrhyw baratodau angenrheidiol gyda chyfieithwyr ar y pryd yr ydych yn gweithio gyda nhw ar gyfer aseiniadau cyfieithu ar y pryd, a chytuno gyda nhw ar sut i ymgymryd â'r aseiniad yn y ffordd fwyaf effeithiol. Mae hyn yn cynnwys gweithio'n effeithiol gyda chyfieithwyr a'u cefnogi lle bo angen. Mae hefyd yn cynnwys gwerthuso effeithiolrwydd yr aseiniad gyda chyd-gyfieithwyr ar y pryd. Mae'r safon hon ar gyfer cyfieithwyr ar y pryd sy'n gweithio gyda chyfieithwyr ar y pryd proffesiynol eraill yn rhan o aseiniadau cyfieithu ar y pryd ar y cyd/mewn tîm, gan gynnwys cydweithwyr.

## Meini prawf perfformiad

### *Rhaid i chi allu:*

1 siarad/neu ddefnyddio iaith arwyddion ar lefel gymhleth yn eich ieithoedd gwaith, sy'n cyfateb i C1 yn y Fframwaith Ewropeaidd Cyffredin ar gyfer Cyfeirio Ieithoedd (mae rhagor o wybodaeth yn y Safonau Galwedigaethol Cenedlaethol ar gyfer Ieithoedd)

2 trafod gyda chyd-gyfieithwyr ar y pryd a chytuno gyda nhw ar y ffordd fwyaf effeithiol o gyflawni'r aseiniad cyfieithu ar y pryd, gan gynnwys:

2.1 pa offer sydd ei angen a'r trefniadau ar eu cyfer, fel y bo angen

2.2 sut y rhoddir unrhyw gymorth yn ystod aseiniadau cyfieithu ar y pryd ar y cyd/mewn tîm

3 trafod a chyflawni unrhyw baratodau ac ymchwil angenrheidiol gyda chyd-gyfieithwyr ar y pryd

4 cytuno ar ffyrdd priodol o drefnu'r gwaith, os bydd newid yn y trefniadau ar gyfer aseiniad cyfieithu ar y pryd

5 gwirio bod yr amgylchedd gwaith ffisegol yn eich hwyluso i weithio'n effeithiol a chytuno gyda chyd-gyfieithwyr ar y pryd ar unrhyw addasiadau, lle bo'n berthnasol

6 rhoi trefniadau cyfieithu ar y pryd y cytunwyd arnynt ar waith a defnyddio adnoddau yn effeithlon

7 rhoi cymorth i gyd-gyfieithwyr ar y pryd, drwy gydol cyfnod yr aseiniad, lle bo angen

8 defnyddio cymorth gan gyd-gyfieithwyr ar y pryd yn effeithiol, drwy gydol cyfnod yr aseiniad, lle bo angen

9 hysbysu'r cyd-gyfieithwyr ar y cyd priodol mewn da bryd am unrhyw anawsterau o ran cyflawni eich cyfrifoldebau, lle bo'n berthnasol

10 adolygu a gwerthuso effeithiolrwydd yr aseiniad cyfieithu ar y pryd, a myfyrio arno, gyda chyd-gyfieithwyr ar y cyd ar ôl yr aseiniad

11 gwneud awgrymiadau priodol er mwyn gwella effeithiolrwydd aseiniadau cyfieithu ar

Gweithio gyda chyfieithwyr ar y pryd eraill

---

y pryd ar y cyd/mewn tîm yn y dyfodol, a hynny mewn modd proffesiynol fel y bo'n briodol

12 gwneud yn siŵr bod eich ymddygiad yn cyd-fynd ag ystyriaethau moesegol, codau ymddygiad perthnasol a gofynion cyfreithiol perthnasol

## Gwybodaeth a dealltwriaeth

### *Mae angen i chi wybod a deall:*

1 iaith lafar a/neu iaith arwyddion ar lefel gymhleth ar gyfer eich ieithoedd gwaith, sy'n cyfateb i C1 yn y Fframwaith Ewropeaidd Cyffredin ar gyfer Cyfeirio Ieithoedd (mae rhagor o wybodaeth yn y Safonau Galwedigaethol Cenedlaethol ar gyfer Ieithoedd)

2 rôl y cyfieithydd ar y pryd, egwyddorion ymarfer proffesiynol, codau ymddygiad proffesiynol, deddfwriaeth berthnasol a gofynion cyfreithiol perthnasol. Mae hyn yn cynnwys rheoli ymddygiad/egwyddorion moesegol, gwrthdaro rhwng buddiannau, cyfrinachedd, didueddrwydd, uniondeb, atebolrwydd a phroffesiynoldeb

3 dulliau ymchwilio er mwyn paratoi ar gyfer aseiniadau cyfieithu ar y pryd ar y cyd/mewn tîm

4 sut i gyfathrebu mewn modd adeiladol wrth weithio gyda chyfieithwyr ar y pryd eraill

5 technegau a chonfensiynau derbyniol o weithio gyda chyfieithwyr ar y pryd eraill ar aseiniadau cyfieithu ar y pryd ar y cyd/mewn tîm

6 sut i wneud awgrymiadau adeiladol er mwyn gwneud aseiniadau cyfieithu ar y pryd ar y cyd/mewn tîm yn fwy effeithiol

CFAINT08



Gweithio gyda chyfieithwyr ar y pryd eraill

---

## Cysylltiadau â SGC eraill